

清康熙
十六年

睢州志

说 明

此本系我室根据北京师范大学图书馆所藏清康熙十六年《睢州志》（残本）复制重印。该本为海内孤本，十分宝贵，有很高的收藏价值和研究价值。

睢 县 志 总 编 室

一 九 八 六 年 十 一 月

修輯睢州志序

上御極之十年辛亥六月余來守是
邦展閱州志所載地里風軌科名
文行燦然鉅麗素稱睢陽勝槩甲
於兩河非虛語也及接見鄉薦紳
大夫咸云舊志淪毀雖已重修尚
多闕畧願一增輯庶稱美備

禪乎型世範俗之義又最大且要
者文廟傾圯久欲剏新蓋難其會
余退而自維承乏伊始視以爲易
則怠心生視以爲難則奮心生薦
紳大夫告余二事誠難矣竊意修
輯州志必俟久于斯地考稽政化
孰更孰仍而後可附之簡末若夫

創新文廟何敢謙讓爰擇吉址誣

良辰庀材鳩工自禮殿堂皇以迄

庶廨門垣之屬無不輪奐改觀其

爲費則勉蠲薄糈暨紳士翕助其

經營擘畫則郡紳荆峴湯公實終

始之而司鐸魏君湛爲之督理誠

不敢視以爲易而亦不敢視以爲

難可幸與教育材始基之矣自今
以往俾此間士子式瞻新構崇尚
古趨明乎君臣父子夫婦昆弟朋
友之倫寧朴母僞進以博學審問
慎思明辨篤行之事寧實母浮珪
璋是期羽儀可則一人風之而一
邦嚮一邦風之而四方嚮所稱唯

陽勝槩甲於兩河人文蔚盛端自
今日復起而於型世範俗因之有
裨豈不然與余歷事已六載粥粥
無他能常若負歉而簿書旁午乘
間檢閱雖志宜乎以前編闕畧咸
思更加增輯也乃若今日地里均
平賦役亦樂易矣風軌勸勉習俗

亦朴厚矣科名拔擢而占魁發解
亦奇逢也文行炳彪而傳芳闡節
亦盛典也其他農桑晏如兵戎不
擾四境漸臻安阜之象苟有美不
傳與傳而不備其何以待

當宁之採風也哉一日湯公面謀增
輯約畧工費一如剏新文廟蠲精

翕助而經營擘畫之仍出其手何
獨賢勞誠一時而千載也抑亦同
梓賢僑相資叅訂宜詳宜畧有質
有文迨編集告成付之剞劂洵云
美且備矣湯公旣序其簡端以余
叨蒞茲土雖政化莫之小補而型
世範俗之義有可共相發明者邦

人士咸屬余一言以重睢夫余言
果能重睢也與哉于是乎書

肯

康熙十六年歲次丁巳季夏吉日

奉訓大夫知睢州事雲安程正性

撰



睢州誌序

睢州處杞宋之間壤地不過百里而
春秋諸侯會盟戰伐與漢唐攻守之
跡往往在焉至宋爲神京左輔稱雄
郡明代文物聲名甲于兩河及其亂
也鋒鏑日聞受禍倍烈蓋地處中原
之衝世治則冠裳輻輳有故則干戈

相尋勢使然也余少時好從長者訪
求郡中故實壬午兵火之後繼以河
決故家遺書一朝俱盡後於河北得
李司空舊誌手錄以歸吾友吳君冉
渠博學好古又購得嘉靖間上黨程
公本手自校讐網羅近事拾摭遺文
功未告竣會中丞賈公有修誌之檄

郡守取其稿以應倉卒付剗剔金根
帝虎之譌觸目皆是田賦源流未詳
山川古蹟遺脫附會爲多名宦事實
寥落人物自漢魏至宋元名臣高賢
表表史冊者姓氏湮如入明以來理
學勛業忠節文章彪炳寓內久列一
統志者皆僅於選舉表中一見姓名

而已使後生承學至語及先輩行事
茫然莫知所從來何由聞風而興起
于大者如此若幽貞之士孤嫠之懿
沉埋于荒谷廬井者又不知其凡幾
也余知非丹渠定本林居日久桑梓
掌故聞見漸熟叅稽前史蒐獵散佚
復尋訪父老而折衷之不敢自名州

志分爲數帙曰睢陽耆舊傳曰風俗
志曰遺事考至理學則附入洛學編
藏之篋衍久矣

雲安程公守郡六載官無稅政塗有
輿頌旣嘗創建費官設立義塾養士
教民具有成績復閱誌病其譌漏不
以余空疎無似委之重加叅訂余惴

惴以不克勝任是懼時冉渠已歸道
山從其令嗣搜索遺稿更發余敝笥
而檢閱之核僞黜浮遠不遺而近不
濫時當溽暑櫪戶終日目涉手抄汗
流接踵輟舊志事增十之五六仍舊
定爲七卷公一一裁定遂蠲金授梓
余於是益歎公之大有造於睢也

城郭遼廓土田軍民繡錯賦役叢雜
壤多沙鹵黃河之患頻仍民寡蓄積
一遇水旱道殍相望且界連曹衛奸
盜易滋經畫訓劑匪易語曰前事之
不忘後事之師此編祖定後來者不
須旁詢棟史而因革法戒一展卷而
得其大畧豈特一二世之利哉吾又